



FORCA JONË

* * * Viti VI • Nr. 59 • Korrik 2017 • Ministria për Forcën e Sigurisë të Republikës së Kosovës * * *

Ministri i FSK-së zoti Haki Demolli priti zëvendës ndihmësin e Sekretarit të Përgjithshëm të NATO-s, zotin John Manza

Ministri FSK-së, zoti Haki Demolli, më 20.06.2017, priti në takim punë zëvendësndihmësin e Sekretarit të Përgjithshëm të NATO-s, zotin John Manza. Në këtë takim z. Demolli shoqërohej nga komandanti i FSK-së, gjenerallejtënant Rrahman Rama, sekretari i Përgjithshëm zoti Shkelzen Sylaj si dhe oficerë dhe zyrtarë të lartë të MFSK-së. Fillimisht ministri Demolli shprehi falënderimet për përkrahjen e vazhdueshme që NATO po i jep MFSK-së dhe FSK-së përmes ekipit Këshillues Ndërlidhës të NATO-s (NALT). Ai po ashtu me këtë rast, falënderoi Sekretarin e Përgjithshëm të NATO-s, zotin Jens Stoltenberg për letërën që i ka dërguar kryeministrit të Kosovës Isa Mustafa, ku janë identifikuar mundësitë e thellimit të bashkëpunimit, e ku ne synojmë që të arrihet partneriteti i bashkëpunimit në mes Kosovës dhe NATO-s në fushën e sigurisë. Ministri Demolli theksoi

bashkëpunimin e mirë me vendet e regionit, me ushtritë e vendeve mike, veçanërisht me Gardën kombëtare të Ajovës dhe bashkëpunimin e mirë me KFOR-in përmes ushtrimeve të përbashkëta. Temë me rëndësi ishte ajo e transformimit të FSK-së në Forca të Armatosura të Kosovës, ku ministri Demolli ritheksoi, se ne jemi të bindur, se vetëm përmes ndryshimeve kushtetuese duhet të bëhet ky ndryshim. Por siç po shihet, procesi ka ngelë edhe më tej, kusht i vendimmarrjes politike, e cila varet nga votat e deputetëve serb e që ngelet sfidë edhe për legjislaturën e ardhshme. Në fjalën e tij komandanti i FSK-së, gjenerallejtënant Rrahman Rama foli për përgatitjet dhe planifikimin e ushtrimit Fushor "Shqiponja-6" që do të mbahet në tetor, ku do të jenë pjesëmarrës ushtritë e më shumë se 10 shteteve. Ai foli për aktivitetet konkrete që janë bërë për integrimin e komuniteteve pakicë në FSK e



veçanërisht të komunitetit serb, pa ulur asnjëherë kriteret që ka FSK-ja. Ai theksoi se transformimi i FSK-së po e pret vendimin politik, por është me rëndësi të thuhet se ne po punojmë shumë që të jemi gati për atë ditë, dhe për këtë kemi kryer përgatitjet e nevojshme si dhe planifikimet afatmesme dhe afatgjata. Në

fjalën e tij, sekretari i përgjithshëm i MFSK-së, zoti Shkelzen Sylaj u fokusua te përgatitja dhe nënshkrimi i strategjisë së MFSK-së, për komunitetet pakicë nga ministri Demolli, pastaj ai foli për hartimin e strategjisë për ndërtimin e integritetit, për planin aksional për ngritje të integritet, projekt i cili po

përkrahet nga shteti i Norvegjisë. Po ashtu ai foli për mundësinë që është krijuar për shkollimin e kadetëve të komunitetit serb në akademinë ushtarake të Maqedonisë dhe përfaqësimin e lartë gjinor në FSK dhe ministri. Zoti John Manza nga ana e tij, shprehi kënaqësinë për arritjet dhe kualitetin e lartë të FSK-së. Ai u shpreh se letra e Sekretarit të Përgjithshëm të NATO-s, zotit Stoltenberg, është dëshmi e përkrahjes që NATO i jep FSK-së. Po ashtu ai vlerësoi lartë punën e mirë dhe rezultatet konkrete për integrimin e komuniteteve pakicë në FSK. Ndër të tjera në takim, zoti Manza theksoi se, transformimi i FSK-së, duhet të bëhet përmes ndryshimeve kushtetuese dhe të mos jetë proces i ngutshëm por ecje me hapa të sigurt. Zoti Manza shoqërohej edhe nga drejtori i Ekipit Këshillues Ndërlidhës të NATO-s për Ministrinë e FSK-së, gjenerali Dietmar Mosmann si dhe zyrtarë dhe oficerë të lartë të NALT-it.

Komandanti i Gardës Kombëtare të IOWA-s gjenerali Timothy Orr vizitoi njësitë e FSK-së

Komandanti i Gardës Kombëtare të IOWA-s, gjeneral majori Timothy Orr, i shoqëruar nga komandanti i FSK-së, gjenerallejtënant Rrahman Rama, kanë vizituar dje (30.06.2017) Komandën e Doktrinës dhe Stërvitjes (KDS) në Ferizaj si dhe Batalionin e Parë të Brigadës së Reagimit të Shpejtë në Gjilan. Në kazermën „Skënderbeu“ në Ferizaj, ata u pritën nga komandanti i KDS-së, gjeneral brigade Enver Cikaqi nga i cili u njoftuan për aktivitetet të cilat është duke i zhvilluar KDS-ja; përgatitje dhe prioritete këto të dhëna nga Komandanti i FSK-së për Komandën e Doktrinës si institucion edukativ dhe me prioritet në fazën e transformimit. Gjenerali Orr, në KDS, ishte shumë i interesuar të dijë për të gjitha proceset që po kalon FSK-ja, si: trajnimet, infrastrukura, përgatitja e stafit dhe



shumë çështje tjera me interes. Vizita ka vazhduar në përcjelljen e disa trajnimeve që janë duke u realizuar në KDS. Ai ka takuar gjithashtu edhe dy pjesëtarët e FSK-së, të cilët kishin zënë vendin e parë, në garën e „Ushtrimit më të mirë për vitin 2017“, tatar Rafet Gashi dhe tatar Binak Podrimqaku, ku gjenerali Orr, u dha nga një

mirënjohje për të arriturat e tyre dhe i përgëzoi për suksesin. Vizita e radhës ishte në trajnimin bazik të pjesëtarëve të komuniteteve, ku me këtë rast, gjenerali Orr, theksoi: „Ju përgëzoj për punën që jeni duke bërë për t'i shërbyer vendit, duhet të jeni krenar që keni veshur uniformat dhe prezantoni shtetin tuaj, dhe ky është vetëm fillimi, keni një



rrugë përpara dhe një karrierë e cila ju pret dhe familja e juaj të jetë krenar me ju“. Po këtë ditë, komandanti i FSK-së, gjenerallejtënant Rrahman Rama së bashku me gjeneralin Timothy Orr dhe zëvendëskomandantin e Brigadës së Reagimit të Shpejtë, kolonel Xhevahir Geci, kanë vizituar Batalionin e parë të Brigadës së

Reagimit të Shpejtë në Gjilan. Delegacioni i lartë u prit nga komandanti i Batalionit të parë, nënkolonel Haki Xhemajli, i cili falënderoi gjeneralin Orr dhe gjeneralin Rama për vizitën dhe bashkëpunimin e shkëlqyer të Gardës Kombëtare të Ajovës që është bashkëpunim në vazhdimësi. Në kuadër të kësaj vizite gjenerali Orr dhe gjeneral Rama, takuan personelin e Kompanisë 1A, të cilët sa po ishin kthyer nga Ushtrimi Fushor i realizuar në fshatin Marec. Gjatë vizitës së tij në Kosovë dhe në FSK, gjenerali Orr, po ashtu ditë më parë, ka vizituar Qendrën për Studime Universitare në Kazermën "Adem Jashari" në Prishtinë, i cili u prit nga komandanti i QSU-së, major Avni Kiçina, i cili e njoftoi gjerësisht gjeneralin Orr, për të arriturat e përgjithshme të QSU-së, për këtë vit.

Togeri i FSK-së Adison Gara fitoi çmimin "Top Student" në Kursin për Instruktor të Operacioneve Shumëkombëshe në Republikën e Çekisë

Në mesin e 30 studentëve dhe oficerëve pjesëmarrës nga 8 shtete të botës, pjesëtari i Batalionit të Tretë të Reagimit të Shpejtë (BRSH) të FSK-së, kapiten Adison Gara, më 2 qershor 2017, fitoi çmimin "Top Student", pra studenti më i mirë në përfundimin e Kursit për Instruktor të Operacioneve Shumëkombëshe në Mbështetje të Paqes (Multinational Peace Support Operations Instructor Training Course) mbajtur në

Vyshkov të Republikës së Çekisë. Trajnimi ka përfshirë aktivitete të ndryshme rreth përgatitjeve të instruktorëve për operacione paqeruajtëse, dhe është zhvilluar nga data 30 prill deri më 03 qershor 2017, i planifikuar dhe i udhëhequr nga Ekipi Këshillues Ushtarak i Mbretërisë së Bashkuar (British Military Advisory Team - (BMAT). Pjesëtarët e FSK-së pjesëmarrës në këtë kurs, treguan rezultate të larta si në aspektin



akademik gjithashtu edhe në atë praktik-gjatë zhvillimit të opera-

cioneve. Pjesëmarrja e FSK-së, në Kursin e Instruktorëve të Operacioneve Shumëkombëshe në Mbështetje të Paqes (Multinational Peace Support Operations Instructor Training Course), është në vazhdimësi e bashkëpunimit dypalësh me Britaninë e Madhe. Qëllimi i kursit është pajisja e instruktorëve me njohuri teknike të nevojshme dhe përgatitja e tyre me aftësi konvencionale ushtarake. Përveç kapiten-

it Adison Gara, i cili u shpall edhe studenti më i mirë i gjeneratës, këtë kurs e vijuan edhe kapiten Alban Bujupi, togër Elbasan Sabedini dhe rreshter major Bedri Zuka. Është fakt i njohur se pjesëtarët e FSK-së, qofshin oficerë apo nënoficerë, kudo që po marrin pjesë në studime, ushtrime, trajnime dhe operacione jashtë vendit po tregojnë rezultate të shkëlqyera si në garat individuale dhe ato kolektive.

Komandanti i FSK-së gjenerallejtënant Rrahman Rama në Konferencën "Partneriteti Ndërshtetëror" në Garmish të Gjermanisë

Komandanti i FSK-së, gjenerallejtënant Rrahman Rama, mëdatë 15 qershor 2017, ka marrë pjesë në Konferencën e Partneritetit Ndërshtetëror me Gardat Kombëtare të Shteteve të Bashkuara të Amerikës (SHBA). Kjo konferencë dyditore është mbajtur në Garmish të Gjermanisë, nën patronatin e Komandës Evropiane të SHBA-ve. Në këtë konferencë kanë marrë pjesë



edhe shefat e ushtrive të Evropës të cilat kanë partneritet ndërshtetëror si dhe komandantët e gardave kombëtare të shteteve partnere. Në këtë takim, ishte prezent edhe komandanti i Gardës Kombëtare të AJOVËS-gjeneralmajori Timothy Orr, me të cilën FSK-ja ka të nënshkruar marrëveshjen "Partneritet për bashkëpunim" i cili bashkëpunim është shumë

intensiv dhe i gjerë. Qëllimi i mbajtjes së kësaj konference ishte rritja e aktiviteteve të përbashkëta; sinkronizimi i bashkëpunimit, rritja e rolit të shteteve partnere në forcimin e partneritetit shtetëror dhe arritja e ndër veprueshmërisë në mes ushtrive të Shteteve të Evropës dhe Forcave të Armatosura të SHBA-ve, në ballafaqim me sfidat bashkëkohore.

Ministri Haki Demolli priti gjeneralin amerikan Timothy Orr

Ministri i Forcës së Sigurisë së Kosovës (MFSK), zotëri Haki Demolli priti sot (29.06.2017) në takim komandantin e Gardës Kombëtare të AjoVës, gjeneral majorin Timothy Orr. Me këtë rast, ministri Demolli falënderoi gjeneralin Orr për vizitën dhe për bashkëpunimin e shkëlqyer që ka treguar në vazhdimësi Garda Kombëtare e AjoVës për FSK-në, si dhe në veçanti e falënderoi gjeneralin për gatishmërinë e tij, për thellimin e këtij bashkëpunimi

mi edhe në të ardhmen. Nga ana e tij, komandanti i Gardës Kombëtare të AjoVës, gjenerali Timothy Orr u shpreh se vlerëson lart profesionalizmin dhe të arriturat e deritashme të FSK-së, duke e siguruar ministrin se mbështetja për Ministrinë dhe Forcën e Sigurisë së Kosovës do të intensifikohet edhe më shumë në të ardhmen. Gjithashtu, gjenerali amerikan shprehu përkrahjen e tij për FSK-në, edhe lidhur me hapat, që ajo ka ndërmarrë për

integrimin e pjesëtarëve të komunitetit serb, në radhët e saj, gjë të cilën edhe është duke e bërë me mjaft sukses, sidomos në vitet e fundit. Gjenerali Orr së bashku me një delegacion ushtarakësh të Garda Kombëtare dhe të Qeverisë së AjoVës, po qëndrojnë për vizitë në vendin tonë, në kuadër të bashkëveprimit dhe bashkërendimit të aktiviteteve të parapara sipas marrëveshjes së partneritetit shtetëror Kosovë-AjoVë.



FSK në stërvitjen ndërkombëtare "Combined Resolve VIII-të" në Gjermani

Një Kontingjent i FSK-së, sapo u kthye nga pjesëmarrja në stërvitjen ndërkombëtare „Combined Resolve VIII” e cila u mbajt në Gjermani. Pjesëmarrja e FSK-së, është realizuar me ftesë të Ambasadës së SHBA-ve në Kosovë. Ushtrimin Fushor i NATO-s „Combined Resolve VIII” (Zgjidhja e Kombinuar -VIII) është mbajtur në bazën e Ushtrisë së SHBA-ve për Evropë në Hohenfels të Gjermanisë, nga data 24 maj-16 qershor 2017. Bartës kryesor të ushtrimit kanë qenë forcat ushtarake Amerikane me anëtarët tjerë të NATO-s dhe partnerët me pjesëtarë nga shtetet e ndryshme, si nga: Kosova, Shqipëria, Maqedonia, Rumania,



Hungaria, Ukraina, Italia, Norvegjia, Finlanda, etj. Në ushtrim janë kryer manovra ushtarake me forca të kombinuara në nivel brigade si operacione të mbrojtjes, sulmit dhe mbijetesës.



Kontingjenti i FSK-së ka qenë i përbërë nga 12 pjesëtarë i cili është integruar si pjesë e Batalionit Xhenier të Brigadës 588 të Ushtrisë së SHBA-ve. Në këtë ushtrim pjesëtarët e FSK-së, kanë

treguar nivel të lartë profesionalizmi dhe përkushtimi në kryerjen e detyrave, duke treguar shkathtësi të koordinimit dhe ndërveprimit me pjesëtarë të ushtrive tjera pjesëmarrëse si: bashkëpunimi

dhe koordinimi me forcat ushtarake të Shqipërisë, me ushtarët e njëjse amerikane dhe ato pjesëmarrëse nga shtetet tjera për operim të përbashkët. Gjatë ushtrimit janë demonstruar patrullimet ushtarake në zonat e luftës me forcat mike amerikane, pastrimi i rrugëve nga mjetet e rrezikshme, komunikimi përmes radiove, tipit HARRIS, si dhe operimi i ekepeve të EOD-së (Për Eliminimin e Mjeteve të Pashpërthyer). Për kryerjen me sukses të gjitha detyrave gjatë misionëve që ju kanë dhënë kontingjentit të FSK-së, ajo është lavdëruar nga komandanti i Batalionit Xhenier të Brigadës 588 të ushtrisë së SHBA-ve.

Kadetët e FSK-së në ushtrimin fushor- ndërkombëtar "Kampi veror 2017" në Krivollak të Maqedonisë

Kadetët e Qendrës për Studime Universitare të Forcës së Sigurisë së Kosovës, u nisën të hënën (30 qershor 2017), për në Republikën e Maqedonisë, për të marrë pjesë në ushtrimin fushor ndërkombëtar të kadetëve "Kampi veror 2017" në Krivollak dhe Pepelishtë të Maqedonisë. Ushtrimi ndërkombëtar i kadetëve ka karakter garues dhe organizohet nga Akademia Ushtarake e Maqedonisë, ku do të zgjasë deri më 10.07.2017. Pjesëmarrës do jenë kadetë nga 13 shtete të Botës, ndërsa FSK-ja do të

përfaqësohet nga një kontingjent prej 10 kadetëve të QSU-së. Për t'i përcjellë kadetët për në Republikën e Maqedonisë kishin dalë shefi i Shtabit të Komandës së Forcave Tokësore, kolonel Naim Haziri, nënkolonel Bekim Zejnullahu nga Komanda e Doktrinës dhe Stërvitjes (KDS) si dhe komandanti i QSU-së, major Avni Kiqina. Me këtë rast, koloneli Haziri, uroj kadetët e FSK-së, duke u dëshiruar suksese gjatë këtij trajnimit, të cilin e vlerësoi si mjaft sfidues dhe të rëndësishëm për

QSU-në dhe FSK-në në përgjithësi. Njëherësh ai kërkoi nga kadetët që të jenë të disiplinuar dhe bashkëpunues me njëri-tjetrin, në mënyrë që të arrijnë ta përfaqësojnë FSK-në sa më denjësisht. Kjo është hera e gjashtë që kadetë të FSK-së, marrin pjesë në ushtrime të këtij lloji bashkë me kadetë nga shtete të ndryshme, të cilët vazhdimisht kanë arritur suksese dhe janë dalluar me paraqitjen e tyre të shkëlqyeshme si në operacione individuale ashtu edhe dhe ato kolektive.



Komandanti i FSK-së gjenerallejtënant Rrahman Rama "Qytetar Nderi" i Mitrovicës

Në Mitrovicë, sot (30.06.2017) u organizua ceremonia e dhënies së titullit "Qytetar Nderi" i Mitrovicës, komandantit të FSK-së, gjenerallejtënant Rrahman Ramës, nga kryetari i komunës Agim Bahtiri. Sipas kryesuesit të Kuvendit të Mitrovicës, zoti Bislim Imeri, dhënia e këtij titulli u bë me iniciativën e kryetarit Bahtiri, në mbledhjen e mbajtur më 27 prill të këtij viti. Kuvendi i Komunës së Mitrovicës ka marrë vendim që gjenerallejtënant Rrahman Ramës-Komandant i Forcës së Sigurisë të Kosovës, t'i jepet titulli "Qytetar Nderi" i Mitrovicës, me motivacion: "Për kontributin e tij të jashtëzakonshëm në luftën për lirinë e pavarësinë e vendit dhe sidomos në organizimin e mobilizimin e Zonës Operative

të Shalës së Bajgorës, mbrojtjen e qytetarëve të komunës nga forcat ushtarako-policore dhe paramilitare serbe; në ofrimin ndihmës për popullatën e Komunës së Mitrovicës dhe të rajonit të Drenicës para dhe gjatë luftës, si dhe në stabilizimin e gjendjes së sigurisë pas lufte". Në Fjalën e tij, kryetari i Komunës së Mitrovicës, zoti Agim Bahtiri, duke ju drejtuar gjeneralit Rrahman Ramës, ndër të tjera theksoi: "Ju me bashkëluftëtarët tuaj të lirisë dhe me ndihmën e bashkësisë ndërkombëtare bëtë realitet shpresën tonë për jetë, liri, pavarësi dhe demokraci. Gjenerallejtënant Rrahman Rama është shquar si organizator i shkathët e luftëtar i denjë, prandaj kontributi i tij dhe luftëtarëve të Ushtrisë Çlirimtare të

Kosovës është shumë i madh. Ata e nxorën përfundimisht Kosovën dhe popullin e saj nga terri i robërisë. Ai ka qenë shumë aktiv sidomos gjatë lëvizjes së përgjithshme për liri e pavarësi. Ishte një komandant i shkëlqyer i Zonës Operative të Shalës, ku bashkë me ushtarët e tij zhvilloi luftërat më të rrepta kundër okupatorit". Ndërsa, komandanti i FSK-së, gjenerallejtënant Rrahman Rama, në fjalën e tij falënderuese, duke mos fshehur emocionet, i përqendruar në detyrat e tashme që kemi karshi qytetarëve dhe vendit tonë tha: "Është obligim i të gjithë neve të respektojmë amanetin e dëshmorëve dhe gjakun e derdhur për këtë vend. Të punojmë dhe kontribuojmë për ndërtimin e shtetit të lirë



dhe demokratik, për një të ardhme më të mirë për të gjithë. E kemi për obligim që të vendosim themele të shëndosha për gjenerata të reja, që ata të vazhdojnë në zhvillimin e Republikës së Kosovës, ku të gjithë gëzojnë të

drejtat dhe mundësi të barabarta". Këtë ceremoni, komandanti i FSK-së, shoqërohej nga drejtori i Drejtorisë së Operacioneve në MFSK-gjeneral brigade Zymer Halimi si dhe oficerë të tjerë të lartë të FSK-së.

Gjermania dhuron Donacion për Forcën e Sigurisë së Kosovës

Sot, (14.06.2017) drejtori i Drejtorisë për Operacione në MFSK, gjeneral brigade Zymer Halimi, së bashku me shefin e Shtabit të Forcave Tokësore, kolonel Naim Haziri, pritën në takim pune zëvendës ambasadorën e Republikës së Gjermanisë në Prishtinë, znj. Christina Gehlsen e cila shoqërohej nga koloneli gjerman Michael Gierse, këshilltar në Departamentin e Logjistikës të MFSK-së. Takimi kishte në fokus vazhdimin e bashkëpunimit si dhe dhënien e një donacioni për mirëmbajtjen e automjeteve të FSK-së, në vlerë prej 50.000 euro nga Qeveria e Gjermanisë. Ceremonia e pranim-dorëzimit të donacionit Gjerman u bë në Brigadën e Mbështetjes



Operacionale (BMO) të kazer-mës "Adem Jashari" në Prishtinë, ku ishin të pranishëm drejtori i Drejtorisë për

Operacione në Ministrinë për Forcën e Sigurisë së Kosovës (MFSK), gjeneral brigade Zymer Halimi,

zëvendës ambasadorja e Gjermanisë në Kosovë, znj. Chrisitna Gehlsen, koloneli Gjerman Michael Gierse, shefi i Shtabit të Komandës së Forcave Tokësore (KFT), kolonel Naim Haziri si dhe eprorë të FSK-së. Me rastin e pranim-dorëzimit të këtij donacioni, gjenerali Zymer Halimi, në emër të FSK-së ka falënderuar zëvendës ambasadorën Gehlsen për mbështetjen dhe ndihmat e vazhdueshme që Qeveria e Gjermanisë po jep për FSK-në. "Falënderojmë shtetin gjerman për kontributin që është duke e dhënë në vazhdimësi në fushën e logjistikës për Forcën e Sigurisë së Kosovës. Ne do vazhdojmë më trajnime të ndryshme, me qëllim të ngritjes dhe

aftësimit të pjesëtarëve tanë. Të gjitha këto pajisje më se të nevojshme për ne, të dhuruara sot nga shteti Gjerman, do t'i fusim në përdorim". E kënaqur nga realizimi i këtij donacioni u shpreh edhe zëvendës ambasadorja znj. Chrisitna Gehlsen e cila pos tjerash tha: "ky donacion është vazhdimësi e donacionit të mëhershëm të automjeteve për Forcën e Sigurisë së Kosovës, dhe këto vegla do ju mundësojnë që automjetet të jenë sa më funksionale". Dhurimi i këtij donacioni të sotëm dhe donacioneve të mëhershme për Forcën e Sigurisë së Kosovës është rezultat i një bashkëpunimi mjaft të mirë në mes të këtyre dy shteteve.

Oficerë të ambasadës së SHBA-ve vizitojnë Komandën e Doktrinës dhe Stërvitjes në Ferizaj

Komandanti i Komandës së Doktrinës dhe Stërvitjes së FSK-së, gjeneral brigade Enver Cikaqi së bashku me stafin e tij, priti sot, (06.06.2017) në një vizitë pune shefin e Zyrës për Bashkëpunim të Mbrojtjes (ODC) të Ambasadës së SHBA-ve në Prishtinë, majorin Brian Delvin dhe atasheun e Mbrojtjes major Juan Murillo. Me këtë rast, gjenerali Enevr Cikaqi falënderoi ekipin e ODC-s për ndihmën që Ambasada e SHBA-ve, është duke dhënë për FSK-në, si dhe i njoftoi me aktivitet e përgjithshme të cilat po realizohen në kuadër të Komandës së Doktrinës dhe Stërvitjes në Ferizaj. Kurse shefi i Shtabit të KDS-së, nënkolonel Fadil Hoxha, përmes një prezantimi të shkurtër pasqyroi të arriturat e përgjithshme të KDS-së, dhe prezantoi projektet për të ardhmen e saj. Ndërsa, zv. komandanti i KDS-së, kolonel Irfete Spahiu shoqëri ekipin e



ODC-s, gjatë vizitave në shkollat e KDS-së, ku nga afër patën mundësi t'i përcjellin trajnimet në të cilat po realizohen aty. Shefi i ODC-s, majori Brian Delvin pas vizitës u shpreh pozitivisht për sukseset dhe të arriturat e KDS-së. "Po shoh një përparim të mirë

në KDS dhe rezultate inkurajuese si në fushën e stërvitjes ashtu edhe të përgatitjes së kuadrove" tha majori Delvin. Në fund, gjeneral Cikaqi dhe majori Delvin shprehen gatishmërinë për vazhdimin e bashkëpunimit edhe në të ardhmen.

KFOR-i italian dhuroi libra për Bibliotekën e FSK-së

Shefi i Shtabit të Komandës së Forcave Tokësore (KFT), kolonel Naim Haziri me bashkëpunëtorë, priti dje (29.06.2017) komandantin e Detashmentit të Përbashkët Rajonal Jug (JRD) Qendër të KFOR-it, kolonel Randacio me rastin e vizitës dhe dorëzimit të një fondi librash për Bibliotekën e Forcës së Sigurisë të Kosovës. Me këtë rast, koloneli Haziri e falënderoi kolonelin Randacio për kontributin e dhënë si dhe gatishmërinë për kultivimin e një fryme shumë të mirë të bashkëpunimit, ndërsa koloneli italian u shpreh se donacioni i tanishëm i paraprinë një fondi librash që do t'i shtohen

Bibliotekës së FSK-së, në të ardhmen po nga KFOR-i italian. Ky donacion librash, në gjuhën angleze, është tregues i një bashkëpunimi me Ekipin Monitorues Ndërlidhës të KFOR-it (LMT) si dhe, donacion paraprijës i një donacioni tjetër të librave i cili pritet të ndodh ditëve në vijim. Bashkëpunimi në mes të gjitha institucioneve si vendore dhe ndërkombëtare kanë krijuar mundësin e pasurimit të bibliotekës së Forcës së Sigurisë të Kosovës. Herë pas here dhurues të shumtë kanë rritur fondin e librave që është një pasuri për të gjithë pjesëtarët e FSK-së.



FSK demonstroi aftësi të larta profesionale në ushtrimet fushore

Mbahet ushtrimi fushor "Evakuimi me Helikopter" në kuadër të Kursit të Avancuar për Lider të FSK-së

Në kuadër të bashkëpunimit dhe partneritetit me Brigadën Shumëkombëshe të Lindjes (KFOR-i Amerikan në Kampin Bondsteel), dhe bazuar në planin e stërvitjes, më 14 qershor 2017, në Komandën e Doktrinës dhe Stërvitjes-Qendrën e Zhvillimit Profesional të Udhëheqësve në Ferizaj, u mbajt ushtrimi fushor; Kursi i Avancuar për Lider të FSK-së. Në këtë ushtrim janë realizuar me sukses temat, si: Procedurat e Udhëheqjes së Trupave, Evakuimi i Viktimave me Helikopter, etj. Pjesa praktike

e ushtrimit, Evakuimi i viktimave me helikopter, është realizuar falë bashkëpunimit dhe partneritetit me Kampin Bondsteel, të cilët dhanë mbështetje si në pjesën teorike, ashtu edhe në pjesën praktike, duke ofruar edhe helikopterin për të demonstruar aftësitë e fituara nga pjesëtarët e FSK-së, gjatë ushtrimit. Pjesëtarët e kursit të avancuar për lider, morën njohuri për procedurat dhe veprimet; se si barten viktimat me barela, dhe viktimat të cilat kanë lëndime më të lehta. Ata,



këto procedura dhe përvoja nga teoria i realizuan konkretisht në

praktikë duke i ngarkuar viktimat në helikopter me ngritje dhe

zbritje nga helikopteri, dhe në të njëjtën kohë duke i marrë konsideratat për sigurinë, dhe pasojat që mund të ndodhin gjatë evakuimit. Pjesëtarët e ushtrisë amerikane, demonstruan lëshimin individual me litar nga helikopteri; për tërheqjen e viktimave nga lartësia-mbi 100 metra me litar. Të kënaqur me realizimin e këtij ushtrimi me sukses u shprehën Rreshter majori i Kampit Bondsteel, JEFFREY SCHUSTER si dhe Rreshter majori i KDS-së, Imri AZEMI, të cilët premtuan vazhdimin e bashkëpunimit edhe në të ardhmen, në këtë fushë.



BRSH realizoi ushtrimin Fushor "Ujku Vigilent-2"

Kompania 2/A e Batalionit të Dytë të Brigadës për Reagim të Shpejtë (BRSH) ka realizuar trajnimin e brendshëm, Gjenerimi i Forcës, me kohëzgjatje prej tre muajsh, nga data 10 prill 2017 e deri më 21 qershor 2017. Si përmbledhje e të gjitha fazave të trajnimit tre-mujor Kompania 2/A, ka përfunduar trajnim me realizimin e ushtrimit Fushor 48 orësh të koduar "UJKU VIGILENT- 2" në Deçan dhe fshatrat Lumbardhë, Llukë, etj. Ushtrimi fushor është planifikuar nga Komanda e Batalionit të Dytë dhe është ekzekutuar nga Kompania 2/A në bazë të (PUT) Procedurës së Udhëheqjes së Trupave, me qëllim të vlerësimit të njohurive dhe shkathhtësieve të fituara gjatë periudhës tremujore të trajnimit. Në këtë ushtrim përveç pjesëtarëve të Kompanisë 2/A mbështetje e ushtrimit fushor kanë qenë edhe njësitë tjera të FSK-së, Njësia e Ndërlidhjes për Reagim në Kriza (NJNRK), Regjimenti i Mbrojtjes



Civile (RMC) dhe Komanda e Doktrinës dhe Stërvitjes (KDS). Po ashtu gjatë realizimit të ushtrimit fushor janë angazhuar dhe institucionet civile të komunës së Deçanit, Drejtoria për Emergjencë dhe Shpëtim, Policia e Kosovës, Kryqi Kuq i Kosovës, Agjencia për Emergjencë Civile, Shtëpia e shëndetit dhe Zjarrfikësit. Incidenti i

improvizuar ka ndodhur më 19 qershor dhe së pari kanë intervenuar institucionet civile të komunës së Deçanit, si; Zjarrfikësit, Qendra emergjente shëndetësore në bashkëpunim me Kryqin e Kuq të Kosovës dhe Policinë e Kosovës që kanë bërë perimetrimin e sigurisë. Ushtrimin fushor e kanë përcjellë nga afër komandanti i BRSH-së, koloneli



Xhevahir Geci, komandanti i Batalionit të Dytë, nënkolonel Mehmet Lladrovci, kryetari i Komunës së Deçanit, Rasim Selmanaj dhe ekipet vlerësuese të Batalionit të Dytë, KDS-së dhe BRSH-së. Gjatë realizimit të këtij ushtrimi i cili u realizua në bazë të planit vjetor të trajnimit dhe aktiviteteve të Batalionit të Dytë, ku pjesëtarët e FSK-së dëshmuar

edhe njëherë se janë të përgatitur profesionalisht në Planifikim dhe operacionet ushtarake siç janë: Ushtrimet fushore, Stërvitjet e betejave, Lëvizjet taktike individuale, Procedurat e udhëheqjes së trupave, Okupimi i bazës patrulluese, Hyrje në patrullim, Operacione urbane, Pika të kontrollit, patrullimi me Blinda dhe fusha tjera.

Kadetët e FSK-së demonstruan shkathhtësitë e tyre në ushtrimin fushor "Kampi veror 2017"

Një numër i madh i vizitorëve sot (14.06.2017) përcollën kadetët e Qendrës për Studime Universitare të Forcës së Sigurisë të Kosovës, gjatë realizimit të ushtrimit fushor "Kampi veror 2017" mbajtur në fshatin malor Zhegoc të Komunës së Gjilanit. Fillimisht komandanti i QSU-së, majori Avni Kiqina, i njoftoi të pranishmit me programin e ushtrimit fushor të cilin kadetët e FSK-së, po e realizojnë në "Kampin Veror 2017". Ushtrim Fushor "Kampi veror 2017" ka filluar së realizuari më 5 qershor dhe pritet të përfundojë me 18 qershor 2017, në të cilin ushtrim janë të përfshirë të gjithë kadetët e QSU-së, të cilët kanë rastin që të dëshmojnë dhe të vlerësojnë njohuritë dhe shkathhtësitë e fituara si në aspektin individual po ashtu edhe në atë ekiporë. Për të përcjellë nga afër demonstrimin e kadetëve të QSU-së, të pranishëm ishin: zëvendës ministri i Ministrisë së Forcës së Sigurisë të Kosovës (MFSK), z. Muhamet Latifi, zëvendëskomandanti i Komandës së Forcave Tokësore (KFT) gjeneral brigade Gëzim Hazrolli, komandanti i Doktrinës dhe Stërvitjes (KDS) gjeneral

brigade Enver Cikaqi, zëvendës drejtori i NALT -it (Ekipit Këshillues Ndërlidhës të NATO-s Mark Theobald, atashen ushtarak i SHBA-ve Xhefri Fisher, komandanti i Kampit Bondstill, koloneli Korvin Lusk, si dhe oficerë të lartë të Forcës së Sigurisë së Kosovës dhe këshilltarë ushtarak të NALT-it dhe kampit Bondstill të ushtrisë së SHBA-ve. I kënaqur nga bashkëpunimi dhe realizmi i këtij

ushtrimi u shprehë zëvendës ministri i MFSK-së, z. Muhamet Latifi i cili pos tjerash tha: "Ky ishte një ushtrim vlerësues për kadetët e vitit të katërt, të cilët e kanë edhe aktivitet vlerësimi dhe testimi për atë çka kanë mësuar për katër vite. Na gëzon fakti se këtë testim të gjithë kadetët e kanë kaluar me vlerësim të shkëlqyeshëm. Ky nivel i përgatitjes së FSK-së është dëshmuar

edhe në të gjitha pjesëmarrjet dhe garat ndërkombëtare ku kadetët e FSK-së kanë zënë vendet e para. Këto ditë ka përfunduar edhe konkursi për rekrutimin e kadetëve të rinj, dhe ka pasur një numër të madh të aplikuesve, gjë që tregon se vullneti dhe dëshira e rinisë së Kosovës për të bërë karrierë në FSK është i madh". Ndërsa, zëvendëskomandanti i KFT-së, gjeneral brigade Gëzim Hazrolli,



Oficerë të Britanisë së Madhe asistojnë në përgatitjen e pjesëtarëve të FSK-së për garën ushtarake "Shqiponja patrulluese 2017"

Vetëm një ditë pasi Ambasada e Mbretërisë së Bashkuar shënoi 19 vjetorin e Ditës kur Forcat britanike kontribuan në çlirimin e Prishtinës, nënkoloneli i Britanisë Gregor Lindsay, këshilltar ushtarak i Komandantit të FSK-së, gjeneral-allejtënant Rrahman Ramës, iu

bashkua ekipit të ushtarëve nga Komanda e Forcës Tokësore të FSK-së, për një sesion trajnimi fizik në Parkun e Gërmisë. Këta ushtarë përbëjnë një nga tetë ekipet e FSK-së, që do të konkurrojnë në Garën "Shqiponja Patrulluese" e cila garë do të mbahet këtë vjeshtë.

Ushtrimi me të cilin po planifikohet nga një grup i oficerëve të rinj të FSK-së, me një asistencë të vogël nga ushtria e Britanisë do të testojë aftësitë kyçe, gjatë këtyre ushtrimeve: taktika të operimit të njësieve të vogla, përgatitja fizike, navigimi tokësor, ndihma e parë, etj.



duke vlerësuar lartë ushtrimin fushor, ndër të tjera tha: "Ky ushtrim vjetor ka për qëllim dhe është mundësi që secili kadet të vlerësohet veç e veç në shumë fusha të trajnimit dhe më i rëndësishëm është që të vihen në dukje dhe të vlerësohen në praktikë aftësitë e lidërshiptit të kadetëve që kanë mësuar dhe zbatimi i tyre në kushtet e terrenit". Kurse komandanti i Kampit Bondsdeell, koloneli Korvin Lusk, për ushtrimin tha: "Kjo që pamë ishte një ushtrim i përgatitur mirë, ishte një demonstrim i mirë i kadetëve për lidërshipt të fortë". Gjatë këtyre 15 ditëve të qëndrimit të kadetëve në terren, instruktorët dhe udhëheqësit e tyre patën mundësi që të bëjnë vlerësimin e aftësive taktike të kadetëve në planifikim, përgatitje dhe ekzekutim të operacioneve luftarake, ndërsa kadetët patën mundësinë të praktikojnë në terren operacione luftarake të mësuara gjatë studimeve. "Kampi veror 2017" u realizua në bazë të planit vjetor të Qendrës së Studimeve Universitare për kamping dhe realizimin e të gjitha ushtrimeve të përbashkëta me të gjithë kadetët e QSU-së.

FSK-ja në operacionin për kërkimin e trupit të personit të zhytur në lumin Drini i Bardhë tek Ura e Shenjtë

Ekipet e Kërkim Shpëtimit (KSH) në Ujëra të Forcës së Sigurisë së Kosovës(FSK) që nga dita e djeshme, pra nga 27.06.2017 janë angazhuar dhe po vazhdojnë kërkimet me njësit e zhytësve për gjetjen trupit të personit(S.G), i cili sipas Policisë së Kosovës ka kërcyer në lumë nga Ura e Shenjtë dhe nuk ka arritur të dalë nga aty. Në kërkim janë angazhuar 18 pjesëtarë të Kërkim -Shpëtimit (zhytësit), dhe se operacioni po zhvillo-

het edhe në bashkëpunim me Policinë e shtetit, Komunën e Gjakovës drejtorinë për mbrojtje dhe shpëtim. Kërkimet ishin ndërprerë mbrëmë në orët e mbrëmjes dhe kanë filluar sot në mëngjes përsëri për të vazhduar më tutje deri në gjetjen e trupit të personit që dyshohet se ndodhet në thellësitë e lumit. Me urdhër të Komandantit të Forcës së Sigurisë së Kosovë, gjenerallejtënant Rrahman Rama,

Pensionohet koloneli i FSK-së Bedri Zeqiri



Me një ceremoni të organizuar nga Komanda e Doktrinës dhe Stërvitjes të FSK-së, më 30 qershor 2017, u bë përcjellja në pension e kolonelit Bedri Zeqiri. Kjo ditë për kolonel Zeqirin u bë më e veçantë, ku me emocionale dhe me nderime të larta, në prani të oficerëve, nënoficerëve, ushtarëve, shokëve dhe familjarëve, komandanti i KDS-së, gjeneral brigade Enver Cikaqi, i dorëzoi kolonel Bedri Zeqirit, gradën e nderit ,Gjeneral brigade, në pension. Koloneli Bedri Zeqiri u përshëndet me detyrën e oficerit aktiv duke falënderuar të gjithë kolegët dhe bashkëpunëtorët për bashkëpunim dhe mbështetjen gjatë gjithë kohës së shërbimit. Me këtë rast,Ai kujtoi disa ngjarje nga jeta në uniformë të përshkruara me emocione që kishin të bënin me sfidat dhe me vështirësitë gjatë karrierës ushtarake. Komandanti i KDS-

së, gjenerali Enver Cikaqi e dekoroi me "Medaljen e shërbimit" duke i dhënë gradën e nderit-Gjeneral brigade-Bedri Zeqirit, për kontributin e dhënë gjatë kohës së lutës çlirimtare dhe kontributin e dhënë në ndërtimin e institucioneve të sigurisë në shërbim të shtetit dhe qytetarëve. Gjeneral Cikaqi tha se, "Gjenerali në pension Bedri Zeqiri duhet të merret si shembull se si duhet për t'i shërbyer atdheut. Ti shërbesh atdheut është nder dhe përgjegjësi, por Bedriu kishte forcën, guximin dhe vullnetin për të bërë një gjë të tillë në çdo kohë. Ai në të mirë të vendit shërbeu si pjesëtarë i UÇK-së, TMK-së dhe FSK-së". Gjenerali në pension Bedri Zeqiri shërbeu plotë 40 vjet në uniformën e ushtarakut dhe pikërisht në dyzetvjetorin e fillimit të karrierës ushtarake, mori gradën e nderit gjeneral dhe u pensionua si epror i lartë i FSK-së.

Ministri Haki Demolli mirënjohje për këshilltaren Amerikane Jessica Olcot

Ministri i FSK, zoti Haki Demolli, e priti sot në takim lamtumirës, znj. Jessica D. Olcot, këshilltare amerikane e cila punoi për një vit në Departamentin për Politika dhe Plane në Ministrinë për Forcën e Sigurisë së Kosovës, në bazë të një marrëveshje të mirëkuptimit në mes Ambasadës së SHBA-ve dhe Ministrisë për FSK-në, përfituar nga programi prestigjioz i SHBA-ve-Fulbright Clinton. Në takim ishte i pranishëm edhe Faruk Geci-drejtor i Drejtorisë për Politika dhe Plane. Ministri Haki Demolli pasi e falënderoi znj. Olcot për angazhimin dhe kontributin e saj të dhënë në kuadër të MFSK-së, për bashkëpunimin e saj me të gjitha departamentet dhe në veçanti për punën e palodhur në Drejtorinë për Politika dhe Plane, në të cilin ka shërbyer gjatë këtyre muajve. Ministri Demolli, zonjës Jessica Olcott i dha mirënjohje me motivacionin; "Për punën e palodhshme, përkushtimin në afrimin e këshillave profesion-



ale për MFSK/FSK-në". Ndërkaq, znj. Jessica Olcot shprehu falënderimin e saj, për ministrin Demolli dhe stafin e

lartë të Ministrisë dhe FSK-së dhe bashkëpunëtorëve tjerë, me të cilët për një vit punoi së bashku.

Pjesëtarë të FSK-së certifikohen në kursin e gjuhës Turke

Në Komandën e Doktrinës dhe Stërvitjes në Ferizaj, sot (15.06.2017) u organizua ceremonia e certifikimit të pjesëtarëve të FSK-së, të cilët përfunduan kursin e gjuhës Turke. Në këtë ceremoni prezent ishin: komandant i KDS-së, gjeneral brigade Enver Cikaqi, zëvendës komandanti i KDS-së, kolonel Irfete Spahiu, këshilltari i Ekipit Ndërlidhës të NATO-s, nga radhët e ushtrisë Turke, kolonel Seyfi Altikanoglu si dhe oficerë të lartë të FSK-së dhe të ushtrisë turke që shërbejnë në Kosovë. Me këtë rast, gjeneral Cikaqi, në fjalën e tij tha, se: "gjuha është një mjet komunikimi ndërmjet njerëzve dhe është shumë e rëndësishme për pjesëtarët tanë, të cilët po kryejnë trajnime të ndryshme në Turqi. Në KDS krahas gjuhës angleze mësohet edhe gjuha turke, dhe kështu mendojmë që të hapim kurse edhe për gjuhë të tjera në të ardhmen. Ushtria turke ka ndihmuar në trajnime të ndryshme si në KDS-së ashtu edhe në trajnime që ka ofruar në shkollat dhe akademitë e Turqisë, për çka ne jemi mirënjohës dhe falënderojmë kolegët tanë dhe shtetin turk për kon-



tributin e dhënë në angazhimin për ngritjen profesionale të pjesëtarëve të FSK-së". Kursi i gjuhës turke ka filluar më 19 shtator 2016 dhe ka përfunduar më 15 qershor 2017, ku është mbajtur niveli bazik i gjuhës turke dhe të cilin e kanë ndjekur 16 pjesëtarë të njësive të ndryshme të FSK-së. Ndërsa përfaqësuesi i NALT-it, nga ushtria Turke, koloneli Seyfi Altikanoglu, tha se "bashkëpunimi mes FSK-së dhe ushtrisë turke ka qenë dhe do të mbetet i fuqishëm, ndërsa mësimi i gjuhës turke nga pjesëtarët e FSK-së, do të jetë edhe një

mundësi më shumë që ne të ndihmojmë me trajnime për pjesëtarët tuaj. Jam krenar që gjendem para jush sot, dhe po shoh se rezultatet e kursit janë të larta dhe kjo më bënë të besoj se keni punuar shumë për të arritur këto rezultate". Në fund, gjenerali Enver Cikaqi falënderoi pjesëtarët e ushtrisë turke që në vazhdimësi kanë kontribuar në zhvillimin e forcës, ndërsa për instruktorin e gjuhës Turke Togerit Mustafa Tokdemir i ndau mirënjohje në shenjë falënderimi për punën dhe angazhimin e tij gjatë kësaj periudhe.

FSK-ja ndihmon Stacionin e Zjarrfikësve në Dragash

Njësia Ndërlidhëse për Reagim në Kriza (NNJRK) e Forcës së Sigurisë të Kosovës në vazhden e aktiviteteve të shumta që po zhvillon në ndihmë komuniteteve kudo në Kosovë, ditë

më parë ka realizuar një trajnim tre-ditorë në bashkëpunim me Ambasadën Amerikane(EBCU), për të ndihmuar komunitetin në Komunën e Dragashit.

Gjithashtu pjesëtarët e NNJRK-së, për Stacionin e zjarrfikësve të kësaj komune, kanë dhuruar një donacion simbolikë, një çantë të ndihmës së parë me të gjitha elementet e nevojshme

dhe e cila do t`u shërbej këtyre pjesëtarëve në raste reale të intervenimit dhe shpëtimit të jetëve të qytetarëve. Po ashtu, pjesëtarët e NNJRK-së në bashkëpunim me Ambasadën

Amerikane kanë realizuar edhe një trajnim një ditorë për zjarrfikësit e Dragashit, për të mësuar mënyrën e përdorimit të këtyre pajisjeve në raste emergjente.

Certifikohen pjesëtarët e FSK-së për Drejtues-Mirëmbajtje dhe Manovrim Taktik me Autoblinda "Kobra"

Në Brigadën për Reagim të Shpejtë të Kazermës „Ushtarët e NATO-s" në Istog, më 09.06.2017, u mbajt ceremonia e certifikimit të 27 pjesëtarëve, pas përfundimit të trajnimit për „Shofer, Mirëmbajtje dhe Manovrim Taktik me Autoblinda Kobra. Në ceremoni të pranishëm ishin zëvendës komandanti i KFT-së, gjeneral brigade Gëzim Hazrolli, ushtruesi i detyrës së komandantit të BRSH-së, kolonel Xhevahir Geci, kolonel Devrim GÜCÜYENER- këshilltar në MFSK, shefi i Shtabit të BRSH-së, nënkolonel Ejup Maqedonci, komandantët e batalioneve, oficerë dhe nënoficerë të Shtabit të BRSH-së dhe ushtrisë turke. Të pranishmëve ju drejtua koloneli Xhevahir Geci, i cili me këtë rast, tha: "Trajnimi për Shofer, Mirëmbajtje dhe Manovrim Taktik me autoblinda Kobra është ndër trajnimet më të rëndësishme për brigadën tonë, sidomos kur kemi parasysh që autobлиндat janë pjesë e resurseve të BRSH-së, që do të shfrytëzohen tani por dhe

në të ardhmen për zhvillimin e operacioneve dhe zbatimin e misionit tonë. Vitin e kaluar së bashku me ekipet trajnuese turke planifikuam dhe realizuam për herë të parë këtë lloj trajnimi të veçantë për njësinë tonë. Trajnimi u realizua në tri batalionet dhe rezultoi i suksesshëm si rezultat i interesimit të pjesëtarëve tanë e veçanërisht i angazhimit dhe vullnetit të singertë të instruktorëve të Ushtrisë Turke, për të shpërndarë njohuritë me pjesëtarët dhe njësitë tona. Ky trajnim për herë të parë këtë vit u realizua nga instruktorët e BRSH-së, duke dëshmuar se janë të aftë të marrim përgjegjësitë dhe të kontribuojnë në zhvillimin e njërive në këtë lëmë". Po ashtu të pranishmëve ju drejtua edhe koloneli Devrim GÜCÜYENER, i cili tha: "fakti që ne me instruktorët tanë kemi qenë vetëm monitorues në këtë trajnim, tregon se sa shumë kanë arritur të profesionalizohen pjesëtarët e FSK-së, nga informata që kam pranuar, instruktorët e FSK-së, kanë treguar nivel të lartë



të profesionalizmit, për këtë edhe ne jemi shumë të kënaqur që bashkëpunimi mes FSK-së dhe ushtrisë Turke, do të vazhdojë edhe në të ardhmen. Në fjalën e tij, gjenerali Gëzim Hazrolli theksoi se; "Fillimisht trajnimet për autoblinda i kemi realizuar me instruktorë të ushtrisë Turke, tani me instruktorë tonë kemi arritur të realizojmë trajnimin për "Shofer, Mirëmbajtje dhe Manovrim Taktik me Autoblinda Kobra", kjo është një arritje e madhe për FSK-në, sepse tani kemi ngritur kapacitetet tona, por këto kapacitete tentoni të i mirëmbani dhe avanconi. Jam shumë i

sigurt që tani autobлиндat do të mirëmbahen në mënyrë profesionale, me këtë rast dua të i falënderojë dhe shprehë mirënjohje për instruktorët e ekipit trajnuese Turke, e veçanërisht instruktorët e FSK-së, për të arriturat e treguara gjatë realizimit të këtij trajnimi. Trajnimi "Shofer, Mirëmbajtje dhe Manovrim Taktik me Autoblinda Kobra" ka filluar më 29.05.2017 dhe ka përfunduar me 09.06.2017, në këtë trajnim kanë marrë pjesë 27 pjesëtarë. Për mbarëvajtjen e trajnimit të pranishmëve ju drejtua toger Kreshnik Zeneli, ku theksoi se: "Pjesëtarët jenë trajnuar në tri disi-

plina: Shofer, Mekanik-Mirëmbajtës, si dhe Përdorim Taktik të Autobлиндave në situata emergjente. Trajnimi ka përfunduar me Ushtrim Fushor-24orësh në terren, ku shoferët e rijnë kanë drejtuar autobлиндat sipas skenarit, skuadrat që janë trajnuar për lëvizje taktike kanë vepruar sipas situatës, si dhe mekaniket kanë demonstruar riparimet e KOBRA-s në terren. Pas përfundimit të UF-së, pjesëtarët i janë nënshtruan testimit dhe tani kanë të drejtë të drejtojnë autobлиндat si dhe të kryejnë mirëmbajtje të autobлиндave, të nivelit të parë".

Nxënësit pjesëmarrës në "Kampin Rinor 2017" në Komandën e Doktrinës dhe Stërvitjes të FSK-së



Në Komandën e Doktrinës dhe Stërvitjes (KDS) në Ferizaj, u mbajt sot (12.06.2017) ceremonia e certifikimit të nxënësve të shkollave të mesme të Kosovës të cilët morën pjesë, për një javë, në "Kampin Rinor 2017".Në këtë ceremoni i pranishëm ishte edhe komandanti i KDS-së, gjeneral brigade Enver Cikaqi i cili në fjalën e tij përshëndetëse tha, se vërehet një ndryshim i madh prej ditës së parë të ardhjes e deri më sot tek nxënësit që po e përfundojnë "Kampin veror 2017", si në dukjen personale po ashtu edhe në disiplinë dhe njohuri për jetën

ushtarake, dhe kjo më bën të lumtur që po i shoh këta djem dhe vajza të cilët po i ngjajnë ushtarëve të FSK-së. Qëllimi i organizimit të Kampit Rinor është që nxënësit për një javë të mësojnë nga jeta ushtarake dhe të familjarizohen me uniformën dhe jetën e pjesëtarëve të FSK-së. Gjatë qëndrimit në KDS, ata kanë mbajtur ligjërata nga tema të ndryshme si: Zgjidmi dhe rregullimi i shtretërve, gjimnastika e mëngjesit dhe higjiena personale, UÇK, TMK-transformimi, orientimi në natyrë, mësimi i komandave, Misioni detyrat dhe struktu-

rat e FSK-së, vetëdijesimi nga minat, kërkim-shpëtimi, dhe u organizua një program me aktivitete të ndryshme sportive. Ky aktivitet i cili tashmë është bërë tradicional, ka filluar më 5 qershor dhe ka përfunduar më 9 qershor, ndërsa kanë marrë pjesë 106 nxënës nga shkolla të ndryshme të Kosovës. Kampi rinor është realizuar në organizimin të Departamentit për Bashkëpunim Civilo Ushtarak (BCU) të Ministrisë për Forcën e Sigurisë së Kosovës (MFSK) dhe Ministrisë së Arsimit, Shkencës dhe Teknologjisë (MASHT).

Pjesëtarë e "Handicap KOSOVA" vizituan Komandën e Doktrinës dhe Stërvitjes të FSK-së në Ferizaj

Zëvendëskomandanti i KDS-së, kolonel Irfete Spahiu së bashku me stafin e KDS-së, me rastin e Ditës së Çlirimit-12 qershorit, pritën në Komandën e Doktrinës dhe Stërvitjes (KDS) ekipin e Organizatës Joqeveritare "Handicap Kosova". Kolonel Spahiu, fillimisht i dëshiroi mirëseardhje ekipit "Handicap Kosova" në Komandën e Doktrinës dhe Stërvitjes të FSK-së, ku tha se; "KDS është një institucion edukativo-arsimor, në të cilën kryhen stërvitjet të të gjitha niveleve për ushtarët, nënoficerët dhe oficerët e FSK-së. Në kuadër të KDS-së, realizojmë misionin tonë, duke ofruar trajnime për pjesëtarët e FSK-së, me qëllim që t'i përgatisim sa më mirë, që të jenë të gatshëm për të



qenë në shërbim të qytetarëve të Kosovës" tha në fund kolonel Spahiu. Ndërsa, Ylber Selmani-përgjegjës i "Handicap Kosova" tha se ndjehet shumë i lumtur që sot

gjendet në kazermën e FSK-së, me ekipin e OJQ "Handikap KOSOVA. Është një emocion i veçantë kur vizitojmë kazermën e KDS-së, në ditën e Pages, por edhe kur shohim



ushtarët tanë në uniforma, kjo na e shton edhe më tepër ndjenjën e gëzimit për ne". Ai falënderoi kolonel Spahiuin për pritjen dhe vizitën në ambientet e KDS-së. Në

fund, pas vizitave në shkollat e KDS-së, u organizua edhe një drekë e përbashkët me ekipin e OJQ "Handicap KOSOVA" dhe oficerëve e nënoficerëve të KDS-së.

Atletikë

Pjesëtari i FSK-së Granit Kryeziu i pari në garën e organizuar nga KFOR-i

Të shtunën (05.06.2017) në Fshatin e Ri (Novosellë) Komuna e Vushtrrisë, nën patronatin e komandantit të KFOR-it, gjeneral majorit Giovanni FUNGO, u mbajt vrapimi humanitar në shtegun 5 mijë metra. Në këtë vrapim përveç përfaqësuesve të KFOR-it morën pjesë edhe 7 pjesëtarë të FSK-së. Hapjen zyrtare të garës e bëri komandanti i KFOR-it, gjeneral majori Giovanni Fungo, i cili falënderoi pjesëtarët e FSK-së, për përkrahjen dhe pjesëmarrjen e

tyre në këtë vrapim humanitar. Pas fjalës së komandantit të KFOR-it, filloi vrapimi humanitar. Në një konkurrencë të fortë, vendin e parë e zuri Granit Kryeziu, pjesëtar i Brigadës për Reagim të Shpejtë (BRSH) të FSK-së, i cili fitoi medaljen e artë, të cilën personalisht ia dhuroi komandanti i KFOR-it, gjenerali Giovanni Fungo. Granit Kryeziu pasi falënderoi komandantin e KFOR-it, për medaljen e arit u shpreh: "Vendi i parë dhe medalja e artë janë sukses jo

vetëm i imi, por në përgjithësi sukses i FSK-së, me çka po dëshmohet çdo ditë e më tepër se pjesëtarët e FSK-së, janë të përgatitur sipas standardeve të NATO-s". Gjithashtu edhe pjesëtarët tjerë të FSK-së, të cilët morën pjesë në vrapimin humanitar në 5 mijë metra, treguan përgatitje të lartë fizike. Qëllimi i organizimit të kësaj gare ishte tërësisht me karakter humanitar, ku të gjitha mjetet e grumbulluara do t'ju shpërndahen familjeve në nevojë të kësaj ane.



BRSH realizoi me sukses ushtrimin fushor ‘Ujku - 17’

Kompania 3A e Batalionit të Tretë të Brigadës për Reagim të Shpejtë (BRSH) më 30 qershor ka realizuar ushtrimin fushor 48 orësh të koduar "Ujku-17". Në këtë ushtrim përveç pjesëtarëve të Kompanisë 3A, mbështetje ushtrimit fushor i kanë dhënë edhe njësitë tjera të FSK-së, si: Njësia e Reagimit në Kriza (NJNRK), Regjimenti i Mbrojtjes Civile (RMC) dhe Komanda e Doktrinës dhe Stërvitjes (KDS). Gjatë realizimit të ushtrimit fushor janë angazhuar dhe institucionet civile të komunës së Drenasit; Drejtoria për Emergjencë dhe Shpëtim, Policia e Kosovës, Kryqi Kuq i Kosovës, Agjencioni për Emergjencë Civile, Shtëpia e shëndetit, Zjarrfikësit dhe kompania biznesore e Feronikelit. Gjatë këtij ushtrimi janë improvizuar gjithsej 17 skenar të ndryshëm, ku nuk ka munguar mbështetja e Ushtrisë Amerikane gjatë tërheqjes së trupave me helikopter. Në ditën përfundimtare të këtij ushtrimi, për të përcjellë nga afër realizimin e ushtrimit të pranishëm ishin; gjeneral brigade Nazmi Brahimaj, shef i Departamentit për Operacione në Ministrinë për Forcën e Sigurisë së Kosovës (MFSK), drejtori i NALT-it, gjeneral brigade Dietmar Mosmann, shefi i Shtabit të Komandës së Forcave Tokësore kolonel Naim Haziri, zëvendës-



mandanti i Brigadës së Reagimit të Shpejtë kolonel Xhevahir Geci, komandanti i Batalionit të Tretë nënkolonel Sylejman Caka, komandanti i NJNRK-së, nënkolonel Milaim Musliu, kryetari i Komunës së Drenasit, z. Ramiz Lladrovci dhe ekipet vlerësuese të Batalionit të Tretë, KDS-së dhe BRSH-së. Në kampin e ndërtuar në Poklek të Drenasit, në zonën e përgjegjësisë së Batalionit të Tretë, para të pranishmeve u mbajt një prezantim ku njoftuan mbi situatën e krijuar gjatë këtyre 48 orëve, për të vazhduar më pas në vend incident në Feronikel, për të përcjellë nga afër intervenimet që ndodhën gjatë këtij

ushtrimi. Pas përfundimit të këtij ushtrimi para të pranishmëve dhe mediave për rëndësinë e ushtrimit dhe të bashkëpunimit komunal, foli kolonel Naim Haziri i cili tha: "Sot po përmbylлим një cikël planifikimi për realizim të një ushtrimi fushor të përbashkët me agjensionet e nivelit komunal dhe ato të nivelit qendror duke përfshi FSK-në dhe KFOR-in, duke marrë parasysh që çështja kryesore është bashkëpunimi me agjensione për të reaguar në situata emergjente, për këtë shkak është parë e arsyeshme dhe e domosdoshme që ushtrimet fushore të FSK-së të realizohen bashkërisht me komunatveç e

veç". I kënaqur nga realizimi i ushtrimit u shpreh edhe gjenerali Dietmar Mosmann, ku shtoi se, "Ne e mbështesim dhe e asistojmë FSK-në. Ajo duhet të vazhdojë me ushtrime të tilla pasi pjesëtarët e FSK-së, janë të përgatitur në kryerjen e detyrave të tilla siç e pamë edhe sot". Ndërsa kryetari i kësaj komune, z. Ramiz Lladrovci u shpreh i kënaqur nga bashkëpunimi dhe realizimi i këtij ushtrimi fushor duke deklaruar se, "Si kryetar komune jam mjaft i kënaqur me këtë ushtrim dhe e falënderoj shumë FSK-në dhe KFOR-in dhe akteret tjerë që kanë qenë pjesëmarrës në këtë ushtrim dhe sidomos menaxhmentin e Feronikelit". Gjatë

realizimit të këtij ushtrimi i cili u realizua në bazë të planit vjetor të trajnimit dhe aktiviteteve të Batalionit të Dytë, pjesëtarët e FSK-së, dëshmuar edhe njëherë se janë të përgatitur profesionalisht në planifikim dhe realizimin e operacioneve ushtarake. Ushtrimi fushor është planifikuar nga Komanda e Batalionit të Tretë dhe është ekzekutuar nga Kompania 3A në bazë të Procedurës së Udhëheqjes së Trupave, me qëllim të ngritjes profesionale dhe taktike të oficerëve dhe nënoficerëve dhe ndërveprueshmërisë me njësitë operacionale të FSK-së dhe agjensioneve civile.



FSK-ja ndihmon Qendrën e Mjekësisë Familjare të fshatit Plemetin

Departamenti për Bashkëpunim Civilo-Ushtarak i Ministrisë për Forcën e Sigurisë së Kosovës (MFSK), më datë 05 qershor 2017, ka realizuar një projekt humanitar; duke dhuruar materiale të nevojshme mjekësore për Qendrën e Mjekësisë Familjare të fshatit Plemetin të Komunës së Obiliqit, e cila kujdeset dhe ofron shërbime

mjekësore për banorët e shumë fshatrave të banuara edhe me serbë, romë, ashkali dhe të tjerë. Në emër të FSK-së, donacionin e dhuroi nënkoloneli Afrim Veseli dhe e pranoi drejtori i kësaj qendre Dr. Slavisha Radosavljeviq. Këtë aktivitet të FSK-së, e përkrahi drejtori i QKMF në Obiliq, zoti Haki Jashari i cili ndihmën e Forcës

së Sigurisë të Kosovës (FSK) dhënë kësaj qendre, e cilësoi si shumë të vlefshme për qytetarët e kësaj ane. Ndërsa, nënkoloneli Veseli, gjatë fjalës së tij, theksoi se FSK-ja është në shërbim të të gjithë qytetarëve të vendit dhe se gjithmonë do t'i mbështesë me të gjitha format të gjithë pjesëtarët e komuniteteve në Kosovë.

